

Sarajevo, 19.04. .2017. g.

Broj: 03-661/17

Na osnovu člana 89. stav (1), člana 70. stav (1), člana 69. i člana 64. stav (1) tačka b), ZJN BiH ("Službeni glasnik BiH" broj: 39/14), člana 8. Statuta SERDA d.o.o. Sarajevo-Prečišćeni tekst, te Zapisnika o ocjeni i pregledu ponuda, d o n o s i m:

O D L U K U o izboru najpovoljnijeg ponuđača

1. Prihvata se Ponuda ponuđača ABEILLE d.o.o. Sarajevo, br. Ponude: 1/17 od 10.4.2017. godine, za javnu nabavku usluga "Catering za potrebe dvije sjednice Skupštine SERDA-e, potrebe projekta „Projektna akademija“ i slične događaje", u postupku Konkurentski zahtjev za dostavu ponuda.
2. Ukupna vrijednost Ponude iznosi **bez PDV-a 25.600,00 KM**, a ukupna vrijednost ponude **sa PDV-om je 29.952,00 KM**.
3. S navedenim Ponuđačem će se zaključiti ugovor o pružanju usluga "Catering za potrebe dvije sjednice Skupštine SERDA-e, potrebe projekta „Projektna akademija“ i slične događaje".

O b r a z l o ž e n j e

Za predmetnu javnu nabavku je 31.03.2017. godine putem e-sistema objavljeno Obavještenje o nabavci broj: 381-7-2-35-3-6/17 i Konkurentski zahtjev za dostavu ponuda broj: TD_381-7-2-35_17.

U Konkurentskom zahtjevu za dostavu ponuda od 31.03.2017. godine, kao i u Obavještenju o nabavci broj: 381-7-2-35-3-6/17, predviđeno je korištenje e-aukcije.

U skladu sa članom 88. stav 1), članom 55. stav 1 tačka d) Zakona o javnim nabavkama BiH („Sl. glasnik BiH“, broj: 39/14), a u vezi člana 9. stav 5) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Sl. Glasnik BiH“, broj: 90/14 i 53/15), dostavljeni su pozivi za preuzimanje Konkurentskog zahtjeva broj: JN-70/17 na adrese ponuđača: ABEILLE d.o.o. Sarajevo, Ferijalni savez BiH i Šahovski klub Bosna Sarajevo.

Putem sistema e-nabavke Konkurentski zahtjev za dostavu ponuda broj: TD_381-7-2-35_17 preuzeli su slijedeći ponuđači: ekipija d.o.o., Infostrim d.o.o., BBS Europe, Krajinagroup d.o.o., Dževkomerc inženjering d.o.o., ABEILLE d.o.o. i HUMP..

U ostavljenom roku do 11.04.2017. godine do 14 sati dostavljena je ponuda ponuđača ABEILLE d.o.o. Sarajevo.

Nakon otvaranja ponude, pristupilo se analizi dokumenata priloženih uz ponudu u smislu provjere validnosti obzirom na iskazane zahtjeve Ugovornog organa u Konkurentskom zahtjevu za dostavu ponuda, odnosno vrednovanju ponude, a u skladu sa procedurama i pravilima utvrđenim Konkurentskim zahtjevom za dostavu ponuda i Zakonom o javnim nabavkama BiH, odnosno pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, utvrđeno je da je u ponudi ponuđača: ABEILLE d.o.o. Sarajevo dostavljena dokumentacija za ličnu sposobnost, ekonomsku i profesionalnu sposobnost zahtjevanu Konkurentskim zahtjevom za dostavu ponuda broj: TD_381-7-2-35_17.

Ponuđač ABEILLE d.o.o. Sarajevo dostavio je, u predmetnom postupku javne nabavke, prihvatljivu ponudu u skladu sa Konkurentskim zahtjevom za dostavu ponuda, u iznosu od 25.620,00 KM bez PDV-a do 2000 obroka, koja je prema kriteriju za izbor ponude (najniža cijena) ocijenjena prihvatljivom ponudom.

U skladu sa Pravilnikom o uslovima i načinu korištenja e-aukcije, član 3. stav 3) koji reguliše da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama BiH. Imajući u vidu navedeno, kao i to da u ovom postupku javne nabavke je jedna ponuda dostavljena i prihvatljiva, e-aukcija se ne može zakazati.

S obzirom da je ponuda ponuđača ABEILLE d.o.o. Sarajevo ocijenjena kao prihvatljiva, to je predloženo prihvatanje Ponude, te shodno odredbama članova 64. stav (1) tačka b) i 70. Zakona, donošenje odluke o izboru ponude ponuđača ABEILLE d.o.o. Sarajevo.

Imajući u vidu prednje navedeno, Ugovorni organ je donio Odluku kao u dispozitivu.

Dostavljeno:
- ponuđaču
- WEB stranica
- a/a

DIREKTOR

dr. Ševkija Okerić
